

Темснә ик ургъц авчана

Антон Трофимович Мусаров, плантацин газриг эргдж хәләчкәд, трактор тал ирдж, механизатор ұр Каупфманд заавр օгв.

—Тракторан кօндәдж, темснд ус орултн.

Тиигхлә темсн тал цовг татдж ус орулджасн кұуқд улс адгъс гидж кօдлцхәв.

Темс тәрдж, асрдж ургъаджах ұр М. Мартыненко, А. Подлубная, С. Дживаджиева, Е. Егорова, Л. Шентьрева цовг татад, хавстур, помидорур ус орулв.

Темснд ус цаглань օгч, асрлгъ сәәнәр тетксн учрар, ургъцнә ик болдж гарв.

Огородн бригайт дундин школин сургъульчнр кօдлджәлә. Эдн колхозд йоста сән дбнъ болджав. Ёлгұрлхд, В. Щербин օдрә кемджәгъән 120 процент, В. Подгорный—125 процент, В. Болибок, И. Приходько—140 процент, З. Жамбинова, Л. Овчарова, Т. Коваленко, Г. Луценко—150—180 процент кұргдж кұцәджәв.

Урднъ „Пролетарская победа“ колхоз темс тәрдж ик олз-ору авдг уга бәәсмн. Те-

гәд эн джил хаврин тұругъәр колхозин ахлач ұр Ф. Дедов правленұр Антон Трофимовичиг дууддж авад, темс икәр тәрхми гидж келлә. Терунәс авн ұр А. Т. Мусаров темснә бригадин гардач болдж кօдләд, колхоздан сән темс ургъадж օгчәнә.

1-ч комплексн бригадин газрт 17 гектар хавст, помидор, агъурцг, мәнъгрс тәрв. Тәрсн темсиг усар тетксн учрар ургъц сән болдж гарв. Ёлгұрлхд, гектар болгънас 250 центнер хавст, 200 центнер помидор авгдджана. Ода темснәсн 180 минъгън арслнъ ору авхар тоолджана. Хавст, помидор, агъурцг базрт орулдж хулдад, 80 минъгън арслнъ колхозин кассд орулв.

Селәнә гұулгәнә организац муугъар кօдлсн учрар темсн цааранлнъ хулдлгън хашнъгдджана. Тегәд Халъмг республикин потребсоюз эн колхозин темсиг цаглань белддж авад, поселкин болн балгъсна куч-кօлсчнриг темсәр теткх зօвтә.

И. ГЕЦЕЛОВ.